


## U SITU STORICU D'ALERIA : UNA ANTICA CITÀ RUMANA

© S. Audé Balloide Photo / CTC 2012



### PRESENTAZIONE

#### SCOPI PEDAGOGICI :

- Situà u periodu storicu in una crunulugia.
- Cunnosce a vita cutidiana à l'epica rumana.
- Capì l'organizzazione di una casa antica è u funziunamentu di i bagni.
- À parte si da e vistighe usservate, deduce u modu di vita di i Rumani in Corsica.
- Sprime si à l'urale per pensà, cumunicà è scambià.
- Urganizà u so travagliu in u quattru di un gruppu per appruntà una attività cumuna è/o una pruduzione cullettiva è mette à a dispusizione di l'altri e so competenze è e so cunniscenze.

#### PUNTI DI RIFERENZA ANNUALI DI PRUGRAMMAZIONE :

- **Tema 1 : È nanzu à a Francia ?**
- Celtichi, Galli, Grechi è Rumani : chì lascite di i mondi antichi ?
- Chì vistighe di un'occupazione anziana di u territoriu ?

#### CUMPETENZE SPECIFICHE :

- **Storia :**
  - Situà si in u tempu : custruisce puntelli storici.
  - Capì un documentu (palisà infurmazione pertinente per risponde à una quistione).
  - Praticà sfarenti linguaghji in storia (scrive, sprime si à l'urale, ammaestrà è aduprà un lessicu storicu).
  - Cuuperà è mutualizà (travaglià in cumunu per facilità l'amparera individuale).
- **Storia di l'arti :**
  - Lià caratteristiche di una opera d'arte à usi, è à u cuntestu storicu è culturale di a so creazione.

#### CUMPETENZE INTERDISCIPLINARE :

- **Studiu di a lingua**
  - Ritruvà u sensu di una parolla grazi'à l'etimulugia (scuperta di e base latine è greche).
  - Capì a pulisemia di e parolle.
- **Geografia :**
  - Situà si in u spaziu.

#### SBUCINÀ DI E SEANZE :

- Messa in prughjettu.
- Racolta di e riprisintazione iniziale di i sculari.
- Lettura cullettiva à voce alta di i documenti.
- Attività in binomu :
  - Attività di lettura, capiscitura di i documenti (testi è maghjine) ;
  - Attività di studiu di a lingua.
- Messa in cumunu, realizzazione di un bilanci.
- Allarghera.

#### DURÀ :

- **2 ore 05** (3 seanze).

#### URGANIZZAZIONE :

Travagliu individuale, in binomu o cullettivu, po' messa in cumunu.

#### PAROLLE CHJAVE :

ROMA ANTICA • SITU GALLURUMANU •  
RUMANIZZAZIONE • MUNIMENTU • LEGIONE.



## NUZIONE ACCUSTATE

### A ROMA ANTICA : UN IMPERU IMMENSU

L'Antichità romana si sparghe à nant'à più di 12 seculi !

E numerose cunquiste di Roma permettenu a custituzione di un imperu putente assai è largu largu in tornu à u Mediterraniu : l'Imperu romanu. L'imperatori facenu di Roma a capitale pulitica di l'Imperu ma dinù una capitale ecunomica in cor'di i scambii di l'aghja mediterranea sana sana.

A *Pax Romana* (a « pace romana » in latinu) à u I<sup>mu</sup> è à u II<sup>du</sup> seculu hè u periodu u più diviziosu per l'Imperu tandu in pace.



© Art Presse / Play Bac

### A GALLIA Nanz'À A FRANCIA ?

40 000 generazione di cacciatori è di cuglidori anu campatu in Francia durante u paleuliticu. Mentre u mesuliticu, u neuliticu eppu' l'età di u bronzu è di u ferru, i populi anu cuntinuatatu à spiazza si è à cresce. Durante l'Antichità, a Gallia copre una cunfederazione di populi. È ogni populu hè urganizatu in cità. Certi trà di elli, cum'è l'Edueni sò vicini à Roma.



© Art Presse / Play Bac

zoom

#### A Corsica testimunieghja di un mischju di culture.

U primu nome ricevutu da l'isula hè « Kyrnos ». Ci sò venuti i Fusseani, fundatori d'Aleria, i Feniciani, i Truschi è i Cartaghjinesi. A Corsica ùn fecia micca parte di a Gallia è i populi di u Mediterraniu si vulianu impatruni di l'isula.

### A RUMANIZZAZIONE DI A GALLIA

Da a fine di u II<sup>du</sup> à a metà di u I<sup>mu</sup> seculu nanz 'à Ghj.C., a Gallia perde a so indipendenza : hè divisa in 4 pruvincie sottu à u primu imperatore Augustu. A rumanizzazione hè l'aduzzione di u modu di vita, di a lingua è di e credenze di i Rumani da l'inseme di e pupulazione di l'Imperu.

A rumanizzazione di u territoriu s'hè tradutta dinù da l'urbanizzazione. Hè illustrata dinù da l'editu di Caracalla in u 212 dop'à Ghj.C. chì dà a citadinanza romana à tutti l'omi liberi di l'imperu.

Si spicca a « Gallia cisalpina », cunquista à principiu di u III<sup>zu</sup> (Terzu) seculu nanz'à Ghj.C. è chì corrisponde à u nordu di l'Italia, da a « Gallia Transalpina », cunquista trà 122 è 118 nanz'à Ghj.C. è chì corrisponde à u sudu di a Francia. U restu di a Gallia hè cunquistu trà 58 è 51 nanz 'à Ghj.C.

zoom

#### Pè i Rumani, a cunquista di a Corsica hè stata una di e più dure è una di e più lunghe : quasi un seculu è 8 spedizione !

Hè Scipione Nasica chì chjode sta cunquista, ciò chì li derà unu di i so tituli di gloria. In u 259 nanz'à Ghj.C., i Rumani si piglianu à Aleria, in Corsica. L'isula diventa « pruvincia imperiale » sott'à Augustu (63 nanz'à Ghj.C. / 14 dop'à Ghj.C.).



U ponte di u Gard.

© F. Villesèche / Adobe Stock



## A VITA CUTIDIANA

I Galli, eredi di u mischju di pupulazione cù i Rumani anu à pocu à pocu finitu per furmà un solu populu, i Gallurumani, chì spartenu a listessa lingua, u listessu modu di vita, i listessi dii...

Hè cusì chì u latinu rumanu hè cambiatu in Gallia, per diventà ciò chì si chjama u « latinu bassu » è furmà à pocu à pocu una lingua rumana specifica à u paese chì u francese mudernu n'hè l'eredu.

I Rumani anu dinù impurtatu u so modu di vita : hè cusì, à pocu à pocu, chì i Gallurumani piglianu l'abitudine d'andà à i bagni, per una igiene migliurata assai. Scoprenu i vantaghji di l'acquadotti chì arreganu l'acqua in cità. Benefiziegghjanu di a custruzione di strade inchjappillate da facilità i scambii cummerciali. I Rumani anu prufittatu elli di e cunniscenze galliche, sopr'à tuttu in agricoltura.

Da un puntu di vista religiosu, hè una forma di sincretisimu gallurumanu chì vede u ghjornu mischjendu dii rumani è divinità lucale.

E principale ricchezze prudutte in l'Imperu sò rimandate dopu in Roma : cereale, oliu d'alivu, pesci, sale, mele, minerali, suaru è legnu di custruzione navale...

## DA SAPÈ !

I Rumani aduravanu millaie di dii. Ma certi eranu di primura più ch'è d'altri. Si alzava tempì maiò in umagiu soiu. Ghjove, diu di u Celu, di a Luce è di u Tonu, ripresenta a forza è l'auturità. A so moglia si chjama Ghjunone . Hè a dea di u matrimoniu. Prutege e donne incinte è e criature.

## ELEMENTI DI UNA CITÀ RUMANA O GALLURUMANA

E cità gallurumane sò sede amministrative, pulitiche è religiose in Gallia. Custituiscenu dunque lochi di cuntrollu è di putere per Roma. L'archeolughi anu pocu dati concurnendu u so ingiru.

Invece, sanu chì l'edifizii di listessu usu si ritrovanu in parechje cità à nant'à u mudellu di Roma. Ne testimoniegghjanu per un dettu l'anfiteatri o i bagni edificati da i Gallurumani. Si tratta pè i Rumani à tempu d'offre un quattru famighiu à e persone in missione in l'Imperu è d'aiutà à l'adesione di e pupulazione lucale à u modu di vita rumanu.

A cità hè edificata à nant'à un pianu quattratu. U forum hè à u centru, à u crucivia di i dui carrughji principali. Muraglie sò custruite per difende e cità cum'è a facianu e tribù gallurumane.

In una cità rumana tippica, ci si trova bagni, tempì (civili è religiosi), munimenti dedicati à u spettaculu (teatru, anfiteatru, circulu...), acquadotti, case private...

## DA SAPÈ !

À a cità di Parigi, li vene u so nome da i Parisii, un populu gallicu chì occupava u situ. I Rumani, elli, chjamavanu sta cità « Lutezia ».



## L'ESEMPIO DI U SITU D'ALERIA

Prosper Mérimée (1803-1870) hè u primu, in u 1840, à prupone una descrizione precisa di u situ archeologicu d'Aleria, situatu à nant'à un pianu sopr'à a piaghja orientale di a Corsica.

I primi scavamenti archeologici sò fatti durante a prima metà di u XX<sup>esimu</sup> seculu. Anu palisatu u forum è a cità romana d'Aleria. Più di 200 tombe sò state scuperte in a necropola preromana. E vistighe è e scuperte sò state risturate è cunservate in cor'di u museu d'Archeologia Jérôme-Carcopino d'Aleria.

Sti scavamenti anu permessu di mette à ghjornu dece seculi di storia : da u Vtu (quintu) seculu nanz'à GHJ.C. fin'à u Vtu seculu di a nostra epica. Grazie à elli, si cunnosce megliu l'origine di a Corsica antica è e civiliazioni anziane di u Mediterraniu.

À nant'à u situ (classificatu à u titulu di i Munimenti Storichi), 5 ettari sò in accessu pè u publicu. E sale di u museu offrenu ugetti straordinarii in lea cù a vita cutidiana, a religione è i riti funerari.

## DA SAPÈ !

Prosper Mérimée hè dinù un scrittore, hè l'autore di *Carmen* chì hà ispiratu quella opera famosa.

MOO

**Aleria, testimone di a cità antica : u forum, i tempii, e case, i bagni è e butteghe sò stati scuperti dop'à anni è anni di scavamenti.** I ruderi i più impressionanti sò quelli di a cità romana è di a necropola preromana.

In e sale di u Museu Jérôme-Carcopino sò spostati ugetti chì venenu da scavamenti archeologici (ceramiche, anfore, munete, arme, gioielli...) chì illustranu a vita cutidiana in l'Antichità.



## PRESENTAZIONE DI A SCHEDA SCULARU

**LIVELLU :** CM1.

### LESSICU UTILE :

Scavamenti archeologici ; vistighe ; cità ; legione ; romanizzazione ; *domus* ; forum.

### ATTIVITÀ :

**ATTIVITÀ 1 : CUMU ANU CUNQUISTU A CORSICA I RUMANI ? (45 minuti)**

Lettura è capiscitura di documenti (testi è maghjine).

**Puntelli :** - Futugrafia aerea di u situ d'Aleria  
- Maghjine di un legionariu romanu  
- Testi documentarii

**Sbucinà di a seanza :**

- 10 minuti Scuperta in gruppu à l'urale. Lettura, capiscitura di documenti (testi è maghjine).
- 20 minuti Travagliu in binomu. Risposta à e quistione di a scheda à parte si da i documenti scuperti.
- 15 minuti Messa in cumunu / istituzionalizazione : stampa scritta.





### ATTIVITÀ 2 : ALERIA, CITÀ RUMANA ? (40 minuti)

Lettura è capiscitura di documenti (testi è maghjine).

**Puntelli :** - Infugrafia à nant'à Roma, capitale di l'Imperu rumanu  
- Futugrafia aerea di e vistighe di l'antica cità rumana d'Aleria  
- Pianu di u situ d'Aleria

**Sbucinà di a seanza :**

- 10 minuti Scupertà è usservazione di i documenti : carta di u situ, documenti discriptivi è icunografichi di i munimenti rumani. Lascià un tempu à i sculari di scopre i diversi munimenti. Fà u censu di varii documenti (testi o maghjine).
- 20 minuti Travagliu in binomu, tavulone da cumplettà cù i numari trascritti à nant'à a futugrafia aerea è à nant'à u pianu di u situ d'Aleria.
- 10 minuti Messa in cumunu / istituziunalizazione : stampa scritta.

### ATTIVITÀ 3 : A VITA CUTIDIANA IN ALERIA (40 minuti)

Lettura di maghjine.

**Puntellu :** Appicciu cù e futugrafie di i 6 ugetti di a vita cutidiana esciuti da u museu d'Aleria

**Sbucinà di a seanza :**

- 10 minuti Racolta di e riprisintazione iniziale di i sculari.
- 10 minuti Travagliu cullettivu, discrizzione d'ugetti riprisintati : 6 ugetti di u museu d'Aleria (piripì, pezza di muneta, anfura, lampara à oliu, nettarechje, buttigietta di perfumu).
- 10 minuti Travagliu individuale. Appiccicà e maghjine di l'ugetti in faccia à a so definizione è ritruvà u nome di l'ugetti. Assucià li à 5 temi di a vita cutidiana : i ripasti, i ghjochi, u cummerciu, l'igiene è u cunfortu (inturnià ogni maghjina di u culore chì currisponde à u tema).
- 10 minuti Messa in cumunu / istituziunalizazione : stampa scritta.



## ELEMENTI DI CURREZZIONE DI A SCHEDA SCULARU

### ATTIVITÀ 1 : CUMU ANU CUNQUISTU A CORSICA I RUMANI ?

Lettura è capiscitura di documenti (testi è maghjine).

**Eserciziu 1 :** Micca currezzione.

**Eserciziu 2 :**

- 1) U situ d'Aleria hè situatu à nant'à un pianu, sopr'à a piaghja urientale.
- 2) L'armata rumana hè urganizata assai è prufeziunale.
- 3) Ottu spedizione sò state necessarie da cunquistà a Corsica.
- 4) A Corsica hè stata cunquista da i Rumanu in u 150 nanz 'à Ghj.C. da Scipione Nasica.
- 5) A Corsica hè stata cunquista nanz'à a Gallia postu chì a so cunquista s'hè compia versu u 150 nanz 'à Ghj.C. invece chì a Gallia hè stata cunquista da a vittoria d'Alesia, in u 52 dop'à Ghj.C.



### Eserciziu 3 :

Mentre l'Antichità, a cità di Roma, in Italia, hà creatu una armata potente è ecchippata bè. Disciplinata assai, st'armata seguitava una strategia precisa chì li permettia di supranà i so nimichi. Eppure, a cunquista di a Corsica hà dumandatu 8 spedizione. Hè Scipione Nasica chì compie sta cunquista. À pocu à pocu, e cità cum'è Aleria piglianu u modu di vita di i Rumani : hè a rumanizzazione. À a fine di u I<sup>mu</sup> seculu nanz'à Ghj.C., i Rumani supranavanu cusì l'aghja mediterranea sana sana.

**> Andà più in là :** Sta statula si pò vede in Roma (à u museu di u Capitogliu).

### ATTIVITÀ 2 : ALERIA CITÀ RUMANA ?

Lettura è capiscitura di documenti (testi è piani).

**Eserciziu 1 :** Micca currezzione.

**Eserciziu 2 :**

NUMERU PIAZZATU À NANT'À U PIANU	NOME DI U MUNIMENTU	CURREZZIONE
1	U capitogliu	
2	U tempiu	
3	U forum	
4	A domus	

### Eserciziu 3 :

In Corsica, e cità rumane sò custruite, cum'è in tuttu l'Imperu rumanu, cun primura. I Corsi rumanizati adoprano a petra è a coppa, vie larghe chì si crocenu à angulu drittu. I Rumani anu custruitu dinù munimenti publichi : teatri, tempii, ecc. À nant'à u forum, si rende a ghjustizia, si parla pulitica...



### ATTIVITÀ 3 : A VITA CUTIDIANA IN ALERIA

Lettura di maghjine.

#### Eserciziu 1 :

Ste maghjine mostranu ugetti di a vita cutidiana aduprati in Aleria durante l'Antichità. Sò sposti oghje in u museu d'archeulugia d'Aleria.

#### Eserciziu 2 :

Tavulone cumplettatu cù u codice culore :

<p>Sò un ugettu fattu in legnu o in avoriu venutu d'Africa o d'Asia. Ghjovu à ghjucà è eru assai spartutu ind'è i Rumani : puru l'imperatori ci ghjucavanu cù passione ! &gt; <b>Sò un piripì.</b></p>	<p>© Collezione museu d'Aleria</p>
<p>Sò un ugettu per dà una pulita à l'arechje. Sò à spessu in legnu, à le volte in metallu. Sò l'antenatu di u sticcaru cutone ! &gt; <b>Sò un nettarechja.</b></p>	<p>© Collezione museu d'Aleria</p>
<p>Sò un ugettu tondulu chì permette di dà lume in giru à mè, brusgiendu oliu. Sò à le volte fatta in terra. &gt; <b>Sò una lampara à oliu.</b></p>	<p>© Collezione museu d'Aleria</p>
<p>Sò in metallu (oru, argente, bronzu...). À nant'à unu di i mo lati, si trova u ritrattu di l'imperatore o à le volte di l'imperatrice. À nant'à l'altu latu, si vede un evenimentu particolare di l'epica induve sò stata creata. Sò un mezu di pacà. &gt; <b>Sò una pezza di muneta.</b></p>	<p>© Collezione museu d'Aleria</p>
<p>Sò tamantu stagnarone chì permette di trasportà liquidi (acqua, oliu...). Aghju una foma longa, in punta, da esse ziffata in a rena. Vicin'à a u tavulone di u ripastu, mi mettenu à nant'à un appoghju per tene mi dritta. In un locu cum'è a Corsica, induve u vinu hè una ricchezza, sò utule utule chì ghjovu à trasportà lu. &gt; <b>Sò una anfura.</b></p>	<p>© Direzione di i scavamenti André Tchernia, ritrattu Stéphane Cavillon, MCC-DRASSM</p>
<p>Sò un ugettu di pulita. Ghjovu à perfumà. &gt; <b>Sò una buttigliola di perfumu.</b></p>	<p>© Collezione museu d'Aleria</p>



### Esercizio 3 :

In Corsica, à u I<sup>mu</sup> seculu dop'à Ghj.C., l'abitanti di l'isula anu à pocu à pocu aduttatu e manere di campà è e credenze rumane.

- L'igiene hà impurtanza assai sott'à l'Imperu romanu.
- I ripasti sò un mumentu cunviviale è predilettu. U ripastu principale hè pigliatu a sera. U vinu face parte di u cutidianu ; sò i Rumani chì l'intruducenu in Gallia.
- U cunfortu hè sviluppatu assai in l'abitazione rumane. E lampare à oliu sò sparte. I Rumani anu inventatu ancu u scaldamentu da u pianu !
- I ghjochi sò impurtanti in u mondu romanu, ma dinù e feste è i spettaculi (teatru, circulu, corse di carri...).



## ANDÀ PIÙ LUNTANU

### MUSEI È SITI DA VISITÀ

- U Louvre, dipartimentu di l'Antichità rumane :  
<https://www.louvre.fr/departments/antiquités-grecques-étrusques-et-romaines>
- I Bagni di Cluny è l'arene di Lutezia, in Parigi (tramindui sò dui scarsi testimoni di u passaghju romanu in Parigi) :  
<http://www.musee-moyenage.fr/lieu/les-thermes-antiques.html>  
<http://www.parisinfo.com/musee-monument-paris/71451/Ar%C3%A8nes-de-Lut%C3%A8ce-et-square-Capitan>
- Mosaichi gallurumani à u museu di u Carnavalet :  
<http://www.carnavalet.paris.fr/fr/musee-carnavalet>
- Vistighe antiche di e cità d'Arles, Nîmes, (« Maison carrée »), Orange (teatru anticu), Liò, Roma... :  
<http://www.arenas-arles.com/>  
<http://www.maisoncarree.eu/>  
<http://www.theatre-antique.com/>
- Aleria è u museu d'Archeulugia Jérôme-Carcopino :  
04 95 46 10 92 / 04 95 57 00 92

### RISOLSE NUMERICHE PER L'INSIGNANTI

- Un attellu pedagogicu in torn'à u situ archeologicu d'Aleria cù attività d'arte plastica :  
<http://www.cndp.fr/crdp-corse/index.php/arts-culture/ressources/arts-plastiques/368-ateliers-pedagogiques>

- Un libru à nant'à u museu d'Aleria :  
<http://www.cndp.fr/crdp-corse/index.php/ressources-documentation/ressources-numeriques/ouvrages-a-telecharger/aleria>

### LETTURA PÈ I VOSTRI SCULARI

- *Vercingétorix et César*, collection « Héros de légende », de Claude Merle (éd. Bayard)
- Collection « Les messagers du temps », d'Évelyne Brisou-Pellen (éd. Folio Junior)
- La série de bandes dessinées *Astérix*, de Goscinny et Uderzo (éd. Dargaud)
- *Les Romains et Les Gaulois*, collection « La grande imagerie » (éd. Fleurus)
- *Les Gaulois et les Romains*, Les Fiches du Petit Quotidien (Play Bac Presse)
- *À Pompéi sous l'Empire romain : Flavia, Pompéi, an 79*, collection « Le journal d'un enfant », de Sandrine Mirza (éd. Gallimard Jeunesse)
- *Rome et l'Empire romain*, d'Hélène Montardre et Vincent Desplanche (éd. Nathan)

### UNA VIDEÒ

- Per vede u cutidianu di i zitelli durante l'Imperu romanu :  
<https://education.francetv.fr/matiere/antiquite/cp/video/les-enfants-sous-l-empire-romain-a-l-ecole-et-leurs-jeux-notre-histoire>